

Zaj kwv huam hais txog.

- 1/- Neeg yug tsiaj
- 2/- Neeg siv tsiaj lub zog
- 3/- Tsov tsis txaus siab rau
nyuj, twm thiab neeg
- 4/- Tsov xav paub neeg lub
tsvv yim yogdabtsitiag
- 5/- Neeg muab tsov khi
- 6/- Neeg ntaus tsov tuag.



ZAJ KWV HUAM TSIAJ THIAB TSOV.

1. Thaum ub muaj ib yawg
HMOOB hu ua YAWG
SUAM HWV, nws muaj ib
pab tsiaj muaj: NYUJ, TWM,
NEES, YAJ, TSHIS, NPUA,
QAIB, OS coob kawg, nws
niaj hnub mus yug cov tsiaj
tom tshav zaub.



Yawg hmoob zaum zov nws pab tsiaj noj zaub
tom tiaj nqeeb feem zoo nws siab kawg.

2. Muaj ib hnub nws cab tus phaw
twm mus luag ntoo los ua laj kab
xov vaj teb, thaum lub sij hawm
nws khi tau ib qhoo ntoo rau tus
phaw twm luag mus thiab nws
nqa ib tug pas lawv tus twm qab,
muaj ib tug TSOV txaij nraum
nyob tom ntug hav zoov pom
yawg lawv tus twm los mus, tus
TSOV xav tias ua cas tus
HMOOB me me es tus twm loj
dua tus HMOOB ua cas tus twm
yuav cia tus HMOOB quab
yuam ua qhev tas npaum li es tus
twm twb ua tsis tau dab tsi kiag..



-Yawg hmoob coj tus nyuj mus luag ntoo los ua
laj kab. Thaum ntawd muaj ib tug tsov nyob pem
ntug zoov pom yawg xuas pas ntaus tus nyuj.

3. Hnub tom qab yawg pab nyuj,
twm mus noj zaub tom ntug
zoov, tus TSOV maj mam nkag
los nug tus twm tias: TWM ! ua
cas tus neeg me tas npaum es
koj yuav cia nws quab yuam koj
ua nws qhev tas li xwb. Tus
TWM teb tias: HMOOB me me
li koj hais tiag, tab sis HMOOB
muaj zoo tswv yim kawg kiag
yus yeej ua tsis tau dab tsi rau
HMOOB li. Thaum tus TSOV
hnov TWM hais li no, TSOV
tsis to taub txog HMOOB lub
tswv yim xyov zoo li cas.



-Tus tsov nkag los nrog tus nyuj sib tham txog
yawg hmoob xuas pas ntaus tus nyuj

4. Hnub tom qab TSOV thiaj nkag los ze ze yawg HMOOB TSOV nug yawg tias: Yawg SUAM HWV! kuv los ntsib koj no mas yog kuv xav pom koj lub tswv yim saib zoo li cas es koj cov tsiaj yuav ntshai tas npaum li. Koj puas kam muab pub kuv saib. Thaum no yawg teb tias: kam xwb, tab sis kuv tsis nqa tuaj, muab cia rau tom tsev lawm, thaum no tus TSOV xav pom dhau nws thov tias: Thov koj mus nqa

8



-tus tsov xav paub txog hmoob lub tswv yim heev
saib zoo li cas es tus nyuj thiaj yuav ntshai.

O J T

tuaj pub kuv xyuas hnub no
kiag. Yawg teb tias tau kawg,
tab sis kuv ntshai tsam kuv
mus lawm, koj lam tom kuv
cov nyuj, twm xwb, yog tias
koj yuav kom kuv mus nqa
tuaj hnub no kiag mas koj cia
kuv muab koj khi rau ntawm
tsob ntoo no tso, kuv mam
mus nqa tuaj rau koj saib.
TSOV teb tias: Ua li los kuv
yeej kam kawg.

5
dog mwsit usi idl vost dsut doomif gwsY -
isut miy vwst sps usi mwsit oot seosn



- Yawg hmoob muab tsow khi rau ntawm pob
ntoos, tso mam mus nqa tswv yim tuaj.

5. Thaum HMOOB muab hlua
los khi tus TSOV rau ntawm
ib tsob ntoo, khi khov khov
lawm HMOOB hais tias:
TSOV! koj sim sib zog nti saib
puas dim, TSOV tas zog nti
npaum li cas los tsis dim,
TSOV hais tias: koj khi ruaj
kawg kuv yeej nti tsis dim li.
Thaum ntawd HMOOB cia li
nkaus hlo ib rab qws nphawy
nphoov rau TSOV taub hau,
HMOOB mam hais tias:
TSOV koj pom HMOOB lub

tswv yim tseeb lawm los tsis
tau tseeb, qhov no qhia rau koj
paub tias tswv yim neeg zoo li
no ntag, ces muab TSOV ntaus
tuag kiag. Thaum no ces nyuj
luag luag nyuj vau hlo nyuj
hniav sab saum dam daws,
nees luag luag nees vau hlo
nees kub lov ntho. Es niam no
nyuj thiaj tsis muaj kaus, nees
thiaj tsis muaj kub yog li no.

=MUAJ ZOG NOJ LUB ZOG,
TSIS MUAJ ZOG NOJ LUB
TSWV YIM.



-Yawg hmoob xua qws ntaus tsov taub hau ua
rau tsov taub hau tawg tas tsov tuag lawm.